

Emnas cumpactas lingua naziunala

Basa legala

Art. 16bis al 5 Art. 19 al. 4 da l'ordinaziun executiva tar la lescha da scola	Per quellas linguas naziunalas che na vegnan betg purschidas sco roms obligatoris ston vegnir offerids curs da lingua adattads, e quai independentamain dal dumber da participantas e participants. Quests curs da lingua pon vegnir realisads sco roms facultativs che ston vegnir subvenziunads en il rom da l'ordinaziun davart la salarisaziun dals magisters. Sche quels curs da lingua vegnan purschids – totalmain u per part – en furma da curs intensivs ordaifer il program ordinari da scola, paja il chantun contribuziuns en il rom da las cumpetenzas tenor la constituziun chantunala.
Explicaziuns davart l'urari	En general, punct 1.3: ... Mintga lingua naziunala che na fa betg part dal sector dals roms obligatoris, è d'offrir medemamain sco rom d'elecziun independentamain dal dumber da participantas e participants. Explicaziuns, punct 13: Parts da quest'instrucziun pon er vegnir offridas en furma d'emnas cumpactas. Qua vala: 1 lecziun per emna annuala correspunda ad in'emna cumpacta. En cas d'ina dotaziun da 3 lecziuns per emna vegnan las linguas estras en il sector dals roms d'elecziun per regla offeridas en furma da curs. Sche quai n'è betg pussaivel, alura pon ins eleger er autras furmas (p.ex. emnas cumpactas). En cas d'ina dotaziun da dapli che 3 lecziuns per emna datti la pussaivladad d'offrir trais lecziuns en furma da curs e las lecziuns restantas en in'otra furma (p.ex. emnas cumpactas).
Conclus da la regenza dals 15 da zercladur 2004 Realisaziun dal concept da linguas	Per la frequentaziun d'in curs da lingua extern en la regiun linguistica vegn pajada per scolara resp. per scolar dal stgalim superiur da la scola populara ina pauschala da 1'000.– francs. Ils curs intensivs duran per regla duas emnas e ston vegnir prendids en il temp da las vacanzas da scola.

Recumandaziun da l'inspecturat da scola e da scolina

Dotaziun	Sch'ina dotaziun da trais lecziuns n'è betg pussaivla, recumonda l'inspecturat da scola e da scolina da porscher duas lecziuns per onn da scola e da porscher per regla suenter il segund onn da scola in segiurn da duas emnas en Svizra franzosa. Per ch'ina emna cumpacta vegnia renconuschida ston vegnir frequentadas almain 20 lecziuns.
----------	---

Tips d'emnas cumpactas

Emnas cumpactas en l'atgna chasa da scola durant las vacanzas	Questa varianta na para betg d'esser la meglra or dal puntg da vista didactic. Questa instrucziun è part da l'engaschament da la persuna d'instrucziun e na vegn betg sustegnida financialmain dal chantun en moda separada.
Emna cumpacta d'ina classa en il territori linguistic (cun l'atgna persuna d'instrucziun spezialisada)	<ul style="list-style-type: none">▪ Per curs intensivs che vegnan organisads da la persuna d'instrucziun da classa (persuna d'instrucziun linguistica) sco emna cumpacta en il temp da vacanzas sto il program vegnir approvà da l'inspecturat. (formular da dumonda)▪ Tips per chasas da colonia chattais Vus sut www.google.ch cun il chavazzin "Lagerhäuser".

Emnas cumpactas sco curs intensivs a scolas ed instituts Modul A)
Las scolas ed ils instituts marcads cun A) porschan in modul che involva ina persuna d'instrucziun dal territori linguistic per l'instrucziun e la persuna d'instrucziun accompagnanta per las ulteriuras activitads.

Modul B)
Las scolas marcadas cun B) porschan curs da vacanzas che pon vegnir frequentads da persunas singulas e da gruppas senza accompagnament.

Ils instituts numnads sin il feigl accompagnant èn vegnids contactads da l'inspecturat da scola e da scolina e vegnan controllads periodicamain tenor criteris da qualitat definids. En general abiteschan las scolaras/ils scolars en l'internat da la scola.

Organisaziun da l'emna cumpacta

Responsabladad La responsabladad per l'organisziun da las emnas cumpactas è chausa dals purtaders da scola – art. 49 da la lescha da scola – (cussegl da scola), ella po dentant er vegnir surdada ad ina persuna che vegn designada al lieu – art. 41 al. 3 da la lescha da scola (direcziuns da scola, persunas d'instrucziun spezialisadas ...).

Surpigliada dals custs

Purtaders da scola / chantun Cun l'introducziun dal subvenziunament pauschalisà èn vegnids fixadas las suandantas grondezzas da partiziun per ils tips da scola dal stgalim superiur:
scola reala -> 15
scola secundara -> 16
En questas grondezzas da regulaziun èn cuntegnids tut ils roms d'instrucziun ch'èn previs en l'urari dal plan d'instrucziun dal stgalim superiur.

Tenor il conclus da la regenza dals 15 da zercladur 2004 surpiglia il chantun supplementarmain 500.– francs per scolar(a) ed emna. Ils custs restants ston vegnir purtads dals purtaders da scola, perquai ch'i sa tracta d'ina transfurmaziun da lecziuns per emna annualas tenor l'urari.

Ils custs correspundents ston vegnir inoltrads da l'uffizi da cassier a l'uffizi per la scola populara ed il sport cun il formular "Übrige Beiträge gemäss kantonalem Schulgesetz" la fin da d'onn scolastic. (formular modul A, formular modul B)

La funcziun da l'uffizi per la scola populara ed il sport

Partiziun "inspecturat da scola e da scolina"

- surveglianza punvtuala da la prestaziun e da la garanzia da qualidad tar instituts resp. scolas e/u en emnas cumpactas da purtaders da scola
- manar ina glista actuala d'instituts e da scolas
- evaluaziun da las emnas cumpactas cun questiuaris a las participantas ed als participants

Inspecturats districtuals

- enconuschientschas da tuttas emnas da project planisadas
- post d'informaziun per sustegnair la coordinaziun tranter ils purtaders da scola
- istanza da permissiun dals programs d'emnas cumpactas